



文直行書

尚部卷之七

明宮保尚書壇石熊先生筆

男人霖伯甘編

五言排律

江渚卽事

寒輕江渚碧烟滿市樓青打鼓船開岸鳴柳鶴起  
汀遠村交老樹芳草藉新亭漁子將竿掛舟人把  
舵停澄空飛白露浮靄隱蜻蛚晚對西山好嵐光  
作畫屏

吾宗

吾系原封楚宗人復楚遊江開夔峽派漢湧郢城  
流徙地陶朱策居竒鄭白籌衣冠超市俗耕鑿度  
春秋國士名三戶家儒讀九丘由來豪士侶湖海  
任扁舟

題張元戎冢圖小像

漢代金城將涅中逐捕還功成身遂隱時旣貌如  
仙賜域穿高冢遺弓啓後賢白楊腥馬汗玄旄拂  
狐烟像擬麒麟畫文同琬琰傳石鯨疑舊壘金盃

固新扞百戰英雄事秋風起墓田

自艾

少小矜才氣文章擬軼倫先資輕拾芥弱冠濫拖  
紳剖竹分巖邑彈琴理鰲民揮斤驚霹靂守介避  
風塵五斗嗷嗷祿三年悶悶身有餘宜歲計無恙  
任官貧典禮方虛席談兵欲振鱗金門忻待詔聖  
室痛違親學業無聞舊韶光轉見新長安徒索米  
軍政適當辰短綆深維重孤忠悉具陳存心共職  
業何意作嶙峋仗馬鳴須斥批龍逆未噴封藩歸



五言排律  
北隴隨牒寄南閩多病甘拋棄連疏控苦辛天邊  
依 聖主海角放波臣立位寧爲患修真必有隣  
半生慙落落全德愧純純衮闕人繩弼瘡痍我拊  
循昨非今始覺何日濟迷津

古出塞

宛馬嘶風急征書徹未央樞臣籌密議天子坐明  
堂戰騎雲中屯輜車塞上裝廟庭開斧鉞郊垌設  
壇場都護徵河洛將軍詔朔方白金江左賦紅粟  
海陵倉征糴三邊劇租庸百郡芒封侯酌劍客款  
貢媾名王羣策寧遺諍中權貴自強爭言多衛律  
詎說少陳湯木葉三秋雪天山六月霜何日喧笳  
鼓鐃歌返故鄉

觀音齋

佛海楞嚴界觀音像女流天花萬點落實相一空  
收珠樹拂衣去金沙脫屣遊因何閨閣裏是處篆  
香浮除祓宜兒種慈悲類婉柔紫釵敲磬細銀釧  
邊燈幽婢子青蓮舌佳人紺色眸瞿波超俗骨愛  
水溺真修謾繡浮丘鶴長齋跨鳳樓



喜朱觀察開濬東湖

諱萬春號寰同無爲州人以御史左遷多善政

江城開大陸百雉隱洪流  
溧泮雄州彩澄涵故國  
秋西山連左蠡南浦引東甌  
雲壑通衢見菰蒲近  
市求七門元古戍五事本通溝  
功德韋卅大風操  
孺子優長橋環粉堞細艇繫紅樓  
岸憤觀區宇憑  
軒攬勝遊祇綠桑變海誰問渚  
生洲幸闢朱公路  
堪攀郭泰舟連檣飛石燕坐檻送沙鷗  
佩玉時邀  
景鳴鑿且散眸光明真有象  
豔滯永無憂但覺鴻濛  
副應知泰運週文章滕閣上移入此中收

曹能始招飲洪塘山園賦謝二十韻

出郭拂塵綠聯鑣訪逸賢  
明花開徑古野稻秀畦  
連巖壑經秋淨雲霞出海鮮  
玄亭除綠草絳帳隱  
紅塵園以當門闢池從對屋穿  
橋頭維畫舫閣裏  
聽鳴泉樹石雖粧點溝塍固  
蜿蜒客談清耳磬僧  
梵息心禪義重江湖遍  
官輕汶蜀遷委蛇機每杜  
雅正論無偏今代文章伯  
前身山水僊經綸餘綵  
筆吟咏摘丹鉛履滿纔強仕  
名高自少年盱衡能  
辨馬得意可忘筌徙席看殘照  
班荆醉暝煙羣燈



剛繼曜素月已流天勝引觥籌逸巖更鼓角傳延  
津風雨在谷口薜蘿懸吏俗辭酣飲途修拆夜眠  
良辰忻此會疑趨武陵船

以上綠雪樓戲草

蠻塞曲

漢置牂牁郡黔中直夜郎天文分井鬼禹貢界荆  
梁六詔通衢隘三巴斥塞長檠瓠元易種爨棘自  
接荒據險菁叢密憑陵洞寨強皇風時阻隔殺氣  
歲披猖就族推渠帥依山作寇攘箭飛三石弩鋒  
銳一竿鎗履棘跣皮習蒙頭楮被裝邊屯紛鹵略  
孔道逆顏行都護頻征繕將軍幾蹶張首功徒彼  
此戰血競玄黃月掩刀花暗霜凌劍鏗光豈云猿  
與獲能作虎而狼浩浩五溪水英英六郡良麒麟  
今有閣努力効鷹揚

陸直指過黔

時以太僕兼  
監軍御史

吳門半萬里直指按邊兵罔伯金魚佩臺司繡斧  
聲天連雲夢野地控夜郎城守藏觀周史巡徼出  
漢京官寮傾耳聽棘獠抱頭驚為奏調絃曲還高



題柱名旂常堪著績枕席易通行無限遐荒苦應  
憐父老迎

同年夏太叅齋捧見訪

匡廬桑梓社接履鴈行來同學君今貴違時我不  
才關門經紫炁齋土視寒灰桂樹通衢陰槐花上  
路開南山呼萬歲北斗近三台儼若乘槎去紛從  
擁傳迴奎章依日月仙仗擬風雷敬以瑤池頌天  
邊獻壽杯

平蠻曲

黔山包楚蜀青壁帶長林險阻烏蠻窟憑陵赤羽  
侵人聲同鳩鳥箭舌亂春禽殘月攢眉見飛雲逼  
面沉嶺高風不勁天漏雨常靈草色茫茫綠榛煙  
莽莽陰干戈由鬼國輸輓盡荆岑剩有橫霜骨誰  
無向日心鏡歌關塞苦羌笛武溪深况復多羣醜  
勾連肆毒淫璽書新拜將率土仰爲霖北斗班文  
劍南薰解阜琴軍鋒搖地軸勝氣動天攙共祝清  
荒裔雷聲播凱音

聖德篇



帝德新龍紀天符協鳳翔歲星臨亢廟秋月坐明  
堂象執三階泰圖膺六位昌神功爲不宰睿質燭  
無疆雨露蘇沉錮雷霆殛罪璫舊經師傅重前楮  
典謨詳採逸諮屠釣掄材棟棟梁職方均貢棊田  
峻訓農桑灌鼠寧虞社疏苗必蕪根威加四海表  
仁覆百蠻鄉諫職賡鳴鶴官寮滌爛羊虛懷求岳  
牧底力效軒唐况以初升旭而扶貞下陽獨操魁  
柄早共卜曆年長北望微垣裏卿雲擁紫光

以上青玉堂采薇草

上御文華殿召對入覲布按二司宮倦倦民  
隱吏弊讀邸抄記注志喜三十韻

三載虞廷績銓衡重考功諸侯官屬盛岳牧等威  
崇端笏黃扉左趨班紫闥東寒輕仙籙肅天霽苑  
花茸訪落弘衢室諮諏敞合宮周旋綿蕞習呼召  
句臚通上策弭秦盜名言破宋讐博謀垂複問清  
覽徹重瞳廉介教嘗檠貞堅戒轉蓬階墀登赤石  
壁帶倚青銅款曲占交泰叮嚀仰發蒙憂民思召  
父獎吏嘆羊公物望誰居首王臣孰匪躬金河晴



漱灑玉樹晝菁葱海國鯨鯢擾吳儂杼軸空垆場  
驅害馬沮澤集蜚鴻治行何如魯文章若似雄酬  
思惟砥勵奉法益磨礪止輦專釐弊開門爲達聰  
編年書是鳳得士獵非熊歌咏諧韶雅憑依遠借  
叢光明偕日照浹洽與春融保障邊關晏精禋歲  
物豐救災分遣使懋賞出藏弓惠慈憐赤子嚴翼  
對蒼穹共卜靈圖鞏應知景命隆細流歸渤海大  
道得崆峒倬矣皇情豫休哉帝德冲威風萬里外  
佳氣五雲中歡忻同擊壤作頌愧雕蟲

以上青玉堂芟棠草

白鹿書院

新安留此蹟少室舊書門地以風徽著堂因名勝  
尊石梁橫大壑烟塢帶孤村修竹猗猗秀清流曲  
曲沅山高月益小林靜鳥逾喧俎豆羞蘋藻香鑪  
韻菹蓀傳經人已往肄業道今存靈壤兼幽敞登  
臨欲尚論

澹臺祠

孔席雖不暖江南未戒程言游居茂苑子羽到章



城拔劍蛟龍駭傳書弟子迎荆蠻新禮教魯國舊  
諸生剩有衣冠冢還餘琴瑟聲徑開王路廣風遠  
聖經明講席高分坐虛堂迥列楹香臺祠往哲瞻  
拜豈勝情

上避殿修省親郊勅諭羣臣力圖勦蕩敬賦

十六韻

天上開黃道殿憂啓聖朝省躬頽減膳撤樂輟聞  
韶醜類猶嗟舜苗民尚梗堯素衣虛正殿巖勅戒  
諸寮罪已心彌苦勞民意甚焦文思懸日月召對  
敞雲霄紫橐簪銀管蒼珩步玉橋刻期蘇集鴈立  
格捕飛鴉寶璐親郊祀精煙拜斗杓鷹揚涓水獵  
鳳舉翹車招獨秉河魁重誰分化瑟調臣工仍水  
火將吏但逍遙旣急中弭盜還應左顧遙虎銘清  
廟鼎說作大川橈岳牧咨方切璣衡望更超共期  
收底定勲伐勒銅標

聖德頌

萬壽之皇遠臣謹當  
嵩祝謹熏盥以頌

帝命禎符合龍興啓兆先河清呈九鼎鳳集擁羣  
鸛聖明臨日月英武奠山川首斥五侯黨潛移七



貴權銓除禡險僻謫徙採貞堅已屬風雲會猶虞  
雨露偏神功不宰運大道至公懸儉素衣三澣精  
詳策萬全南郊勤禱祀北塞謹烽烟假廟宵開闕  
橫經晝敞筵慈仁嗟水旱欽若測星躔溫室頻清  
問平臺累訪賢揆文嚴滌弊奮武曲陶甄時慮司  
農匱常將內帑捐太阿元手握拒鬯總躬虔納諫  
同迴輦釐奸戒察淵清霜威盪海明月勅防邊鉗  
子餘殘息穹廬漸遠遷籌兵遙決勝肅吏絕寅緣  
望杏親耕籍瞻蒲勸力田股肱枚卜慎心箝任人  
專大賚鴻恩溥殷憂膚肯宣賦加民競納讞案事  
無連願得夔龍佐長瞻虞夏天敬從華祝後歌詠  
比薰絃

以上華日樓言意草

新年

氣序開正月軒皇至道昭握樞江左甸卜曆斗東  
杓罇滿宜年栢盤餘頌歲椒煙和疎樹秒雨漲小  
溪潮匝地還鞀鼓斯鄉尚管簫風塵慙自老何以  
報興朝



與蕭伯玉讀園記

知君抱竒尚卜築有中阿地潤多喬木城低見曲  
 河星楂裝浣女雪舫載漁歌彭澤門前柳山陰沼  
 上鷺西峯時拄笏東第乍鳴珂常恐移文笑携尊  
 醉薜蘿

其二

少壯因遊宦燕吳老作郎相如新節佩子敬舊胡  
 牀蒼鹿羣分柴青鷄侶逐行怡雲穿短屐邀月進  
 輕航詩酒雄心倍林園勝引長墨卿聊寫記何日

剡溪裝

懷徐魏公移病

豐鎬諸勳舊誰從雅尚高念年思挹袂客歲任同  
 曹江海身肩重乾坤首並搔綢繆勤擊楫歌咏妙  
 抽毫一別安孤枕相知到二毛忽聞園令渴春思  
 爲君勞

喜方南和掌府

留守陪京地惟君久贊襄共叨中府席同閱大軍  
 場日月光南紀風雲護北方主憂關社稷公望繫



五言排律  
巖廊昔效秦廷哭今扶漢道昌深惟根本計珍重  
報明光

喜劉通侯操江

君祖元勳首文臣帶礪昌知兵唐李靖審畫漢張  
良族衍青田大官居白下長春風鷺鶴陣暮雨鼉  
鼉梁盪定高推轂澄清銳處囊相知無俟介啣結  
義難忘

以上延暉堂擊壤草

文直行書

詩部卷之八

明宮保尚書壇石熊先生筆

男人霖伯甘編

五言絕句

桃花

春歸南浦早淥水桃花塘灼灼紅煙裏金羈騎玉  
郎

羽林郎

少小從軍去爭功百戰歸羽林羅上將騎馬逐烏

飛

其二

良家六郡子天上羽林兒帶劍隨龍座披香列鳳池

宿支提寺遇雨

萬樹藏僧刹華嚴舊有名洞天今夜雨涼帶海潮生

其二

大佛脩行地香花接海洲龍腥陰壑吼風雨壯深

遊

以上綠雪樓戲草

賦得臨池柳

浪 綠占銀塘早絲陰玉淑長春心愁欲斷花片落滄

詠汲黯

中 守高能自遂伉厲難爲工不遇明天子誰冠武帳

詠卜式



山澤牧羊子助邊結主知一諫不過貶萬世釣名  
奇

以上綠雪樓鶴草

漢宮曲

平明出前殿射獵渭橋西金彈隨風落兒童逐馬  
蹄

其二

馬上張公子金吾不敢訶千門隨啓閉五柞任經  
過

贈遠曲

幾度不成眠深深拜佛前沙場音信杳何日是歸  
年

洛陽道

紛紛玉鞭下共有洛川春不敢近前問南陽新貴  
人

長安道

笑飲胡姬酒追歡不計錢杖頭傾百萬醉後獨彈  
絃

其二

寒  
郭杜相逢後論交倚劍看寸心何所托白日起風

客舍深秋應袁生請戲從金木水火土字成

句

樽  
楚塞煙鋪渚秋塘樹鎖津江楓燒赤錦銀燭對清

其二

煙鎖深城柳霜清秋寺鐘漁燈橫遠釣冰鏡照筠

松

其三

滿  
燈吐錦桃清樓煥銀河遠坐檻唵秋池釣臺煙樹

移寓草堂甫百日拜詔東歸

還  
群峯攢古戍茅屋畫中間忽拜金鷄詔飛雲送客

以上青玉堂采薇草

江南曲



江壩有重湖風吹綠浪影鴛鴦水面嬉礙著蓮花  
梗

長干行

楫下浮船便倚棹在橫塘誰騎金勒馬盡是烏衣  
郎

盛雨

純素收梅雨天花滿玉缸  
黃來春茗熟應受惠泉  
降

穀雨

細雨釀輕寒砌草芸芸綠春色十分深原田啼布  
穀

惜春

紅杏飛如雨棠梨雪樣開不愁鶯吟盡却喜燕銜  
來

以上菱棠草

邊詞

黃沙滿寒磧劍舞鸛鷓泉牧馬千羣飲移帳野狐  
川

其二

河曲流千里愁腸更九迴烽烟傳有警齊保赫連臺

油崗五里松

松樹種百萬周遭五里陰重重看偃蓋高隴瑞雲深

其二

玄鶴棲無影蒼龍自有鱗流膏成琥珀先子此藏真

南浦

紅蓼洲前水灣灣照驛樓碧波還北去春合楚江流

采蓮

日暮采蓮涇蓮葉翻波起波面見紅雲越羅嬌秋水

青山南望

芳草綠烟迷春舟裝野渡丹崖隔遠水疑入花谿路



其二

高隴起平湖小村護深竹漁網掛門前牛羊羣放  
牧

以上華日樓言意草

新歲

斗柄如環運太皞先執規柏葉開新酒梅花續舊  
詩

其二

候鴈初朝北潛魚陟負水登臺占歲物遙見瑞雲

層

以上英石館調風草

畸人

漆園紀齊諸夷堅載鄭圃都為志恠人恠書今何  
所

其二

黃帝北門城老聃陽子居相將論道學所論果何

如

其三

徒稱鶡冠子但號鹿皮翁  
媿殺巢由輩名姓落塵  
中

其四

那是滄波客誰爲澹蕩人  
不如滑稽叟金馬自沉  
淪

其五

南翁已曲醉海叟未忘機  
爭似玉姜女華山毛作  
衣

貧居

結宇雲津曲鷄鳴白版扉  
傍崖聊拓架朝夕挹清  
聊

廣居

仁義蘧廬爾鷄居是聖人  
茅屋而清廟仙然遠俗  
塵

亨屯

匡時誰有調芟蕩闢神衢  
三光旋采色露版詔蠲  
租

其二



化道歸康濟雄圖麗史書  
龕世以拯亂電爍而虹  
舒

以上延暉堂擊壤草

文直行書

明宮保尚書壇石熊先生筆

男人霖伯甘編

六言近體 律詩

尋秋詠懷

問月官衙曠澹尋雲仙界岩  
堯烟嵐漠漠滄海河  
漢溶溶碧霄洞有秦巖石  
釜田多嵩嶺銅鈔紅塵  
馬頭流汗何不深山掛瓢

其二

秋後雨鳴葉脫霜前風急天高南方本榮柑橘海  
國更饒蟹螯近鳥茅茨白屋依村竹護青臯眼腔  
不妨雄眺無限雲峰雪濤

以上綠雪樓鶴草

自寓

誰貴千言吐鳳自笑一代雕蟲塞馬從教還去海  
鷗相與西東胸襟高山廣水意氣青雲白虹興到  
一杯濁酒乾坤醉裏鴻侗

煮雨

午夢華胥乍入羲皇卽在山窗何須梁溪飛遁不  
待瀑布奔瀧穀雨初來金盞松濤乍注銀缸乳花  
幾片薄澣絕勝露漚秋江

義酒

爲少步兵厨酒虛傳授熟宜城取到淮南江浦寄  
來吳下烏程點綴泰和苦蘗參合麻姑甘飴誰云  
以水濟水由來五醞同清

讀書

瞻彼虛室生白滿架圖書殺青琴有丘中古韻帙



六言近體  
多塚上新經魚卵鼠鬚紙筆蟲書鳥篆碑銘開窻  
展讀無厭夜以繼日燈熒

以上擊壤草

六言近體

絕句

東臯卽事

門外平時漲綠樓前疇墅鋪紅家本耕田北山人  
今避世墻東

其二

紫鯉春潮沾活黃鸝夏木陰陰竹下茶爐烟起牀

頭酒甕香深

風閣

春煖烟和柳下秋高氣霽西山仰止先民敦薄飯  
依往哲廉頑

其二

樹色開窻款客茶香逗竹呼童爲有曲池渡月應  
教滿座生風

其三

壁素欲圖五嶽廳虛可捫三台鷓噪朝曦騰射魚

遊春浪滌洄

其四

巢構依稀太古樓，居彷彿仙人墨彩池。  
頭噴霧梅，花笛裏留春。

以上綠雪樓戲草

逍遙閣秋望

荻岸漁舟曝網楓，林蕭寺鳴鐘。綠茗七椀，八椀白雲，千峰萬峰。

其二

拂曙烏輪出海，將昏兔魄騰輝。拭硯常有雲到，開窗忽見龍飛。

以上綠雪樓鶴草

春季漫興

楊柳毵毵綠雨，山谿芥芥蒼烟。圍茶疏密青壠，石蘚駢連紫錢。

其二

西道遙迤六詔北，邊近接三四。雲光片片迷樹，春色林林落花。



其二

城上鬱鬱戍鼓驛前獵獵行旌莫言山谷深昧日  
有衣冠送迎

其四

爲國空稱戍士離家自署流人飲酒何妨樂聖當  
歌直欲同塵

牧童歌

綠草橫江兩岸黃牛被野千頭逃雨洞中曉暮迎  
風笛裏春秋

思州胡太守郊亭餞別

霜葉黃過五馬雷轟尊綠滿千杯疊唱涓城新柳橫  
吹羌笛落梅

桃源洞及徐季良同渡白馬

漁艇橫江楚客仙源滿洞秦人欲向煙霞問路碧  
桃千樹迷津

長沙晤顏大叅

君是諸侯建節我爲羈客還家談心移日遷坐招  
飲深更放衙

以上青玉堂采薇草

漫興

懶性依隨水竹同人岸  
憤相逢魚步紫鯁朝市隣  
家紅稻秋春

其二

斗室松窗雅靜琴  
碁取次清供讀書撲  
開燈虎卽  
席羞稱酒龍

其三

白雪琴彈綠綺花  
箋紙寫黃庭對客吟  
詩欲倦東

湖鶴渚鷗汀

六言絕句惟王摩詰臻于妙境如桃紅復  
含宿雨諸什自在無斧鑿痕可師也本朝  
楊用修焦弱  
侯亦稱盡美

以上華日樓言意草

出處

尺蠖之屈求信龍蛇之蟄存身幽人履道坦坦賁  
趾以葆其真

其二

身在江湖之下心居魏闕之間所以孔席不暇要



在投大遺艱

其三

逸驥騫騰夷路潛龍起躍洪波須是垂纓論道毋  
徒佩玉鳴珂

其四

軒裳第為暫客津要豈是生涯與時和光埋照墮  
便休沐烟霞

以上延暉堂擊壤草

文直行書 詩部卷之十

明宮保尚書壇石熊先生筆

男人霖伯甘編

七言律

西掖卽事

漢朝宮闕曙雲開西掖清高切上台自信勿欺臣  
子職敢云能誓大夫才鶯聲晝囀闌花靜臚句時  
傳御墨來慚愧無能禪袞職循墻獨立幾徘徊

其二

千官虎拜大明宮四海降王禮節同瑞日光騰鵠  
鵲上薰風吹入鳳鸞中太微門裏看卽位天市樓  
前列辟公侍從叨陪龍袞近糾繩獻納但愚忠

殿試

盛世同文俊又多臨軒發策擬菁莪諸生執管榮  
廷對春部徵賢重甲科冀野雲成龍錦綉瀛洲風  
送鳳鳴和侍臣奏賦明光殿醉飽天厨佩玉珂

賜進士

春開閭闔曙光分黃榜高懸射紫氛宮扇影移拖  
豹尾香爐氣遶炷龍文仙登閭苑笙歌沸花簇瓊  
林帶履薰此日書生誇際遇須知天上布卿雲

沈使君建文明樓落成

高閣崢嶸切太清天開形勝甲山城曲江春雨龍  
鱗動卅嶂朝暎鳳翥明俎豆千秋崇正學風流一  
代觀時英應知靈氣騰東壁片片青雲日下生

白湖嶺

先君塋嶺北

白雲千里接江天縹緲層峰仙掌懸漠漠春陰開  
大陸霏霏秋色湧晴烟松廬佳氣瀛洲裏野壑幽



光汝水前莫是洪崖仙子路桃花飛撲打漁船

經侄成婚志喜

一歲孤兒十九春于今帶弁列成人書生家室憐  
新造刺史門楣喜風因月朗河橋知渡鵲煙香籃  
玉卜添麟吾兄未了居平願賴爾撐持好立身

寄繆西谿

吳門路指越門邊尺鯉難憑寄斷箋湖海漂零官  
自拙雲山縹緲隱爲僊夢回春草懷良友氣挾秋  
霜慕古賢此日風流應未盡千年還看李膺船

王太蒙師總河啓行

司空新詔下行河節鉞風霜載道過萬里襟喉通  
地軸六軍司命擁天戈秦川砥柱桃華浪漢苑金  
隄瓠子歌一日平成收禹績江星隱隱靜滄波

送徐若谷赴閩中

檠戟南征霜氣寒海門千里看登壇驄騎舊識蠶  
叢路龍劍新經黯淡灘祇爲鶴書催隴上且辭鱸  
膾發江干此行白雪將誰和珍重風塵道路難

題張元戎父先將軍塚圖



威名百戰勒燕然弓劍新藏甲卒穿朽骨幾擽膏  
白草餘生幸已到黃泉山河氣壯麒麟卧鼓角聲  
消虎豹眠但使英雄扶社稷何須起冢象和連

題故張將軍像圖

孤劍橫磨西塞秋陰風凜凜入邊愁朝廷寵戰雲  
臺像介冑橫戈細柳儔豈恨沙場留七尺還從圖  
畫裂雙眸英雄一具封侯骨漢將如今道虎頭

送章仲山北上

春風丙舍喜連床燈下傳觴對月光幾度竹林無  
酒興謾誇蓮社有詩狂長安方急山公啓天部應  
開水鏡堂努力蒼生澍雨露清芬豈爲到池塘

青山古渡

今徙西二里爲熊家渡  
先王文宅寔在青山窩

水國平連此地高幾朝車馬問津勞兩湖日月三  
陽市千里雲山九派濤古岸人家開甲第新洲花  
草媚冠袍風光好在鷗鴻外酣眼丹青望鳳毛

龍岐砂磧

先太君葬龍  
岐之宋山

沙堤天築汝河蟠迤遞崗原帶碧灘水望千帆湖  
淼淼山看數點氣漫漫春迴曲港魚龍動夜宿芳



洲鴈驚繁古樹畚南烟靄裏松廬兔擾一坏安

程埠更樓

元末紅巾賊亂鄉人推熊伯幾爲帥樊明仲副之于此立寨起義兵

故置更樓

蘆花洲上鼓逢逢祗爲戈船賊寇通甲士椎牛連

野寨丁男祭馬護元戎鳥啼花落江山舊暑去寒

催日月同獨是陽侯貽害久端憂漆室祝年豐

羅渡高楓

并西爲白沙湖荒曠十五里標涼時聞行人以望樹得渡爲喜

古木陰陰野澗傍河流日夜影如常蒼旂早建三

春雨赤幟高標九月霜渡子槳從烟裏盪行人騎

向水頭忙何須別問津梁路大樹林邊一葦杭

長興寄若下春酒醉中口占

醇酒當年馴雉堂別來濃淡隔蒼茫白衣送到鵝

黃色綠蟻浮來琥珀光甫里風高由陸羽若村名

重爲鄒陽山居頗苦春醪濁快倒芳尊興欲狂

高公園

江城中國有雲林曲水通塘拍岸深蔬圃三洲開

古墅樓臺千疊湧春岑魚吹柳浪粘芳草鶯撲楊

花嘯綠陰過客不看因巷僻桃源曾許幾人尋



龍光寺

江上隆沙隱鷲峰千年靈蹟列崇墉佛疑地藏開  
金粟僧似恒河住蟻封卓錫池中無漏滿拂衣樹  
杪有天從勝情爲選章城北月曉香林嘹唳鐘

重憶荆門

曾爲節使度荆門漢水襄陽勢互吞三戶風流開  
楚服五陵王氣擁天垣朝雲不見來詞客秋雨空  
聞泣逐魂南國崎嶇猶夢裏絲綸重憶冊王孫

武陵封榮邸

雲貴  
孔道

武陵秋色逐江來天子金符下御臺龍袞七章官  
錦重鸞旂半道繡雲開東平儒術高藩節大楚王  
風出衆才南望烏蠻飛瘴雨桃源還是近三台

寄秦靈墟

馬帳分携不記年漢陽春色日風煙傳經心事人  
曾問抗疏功名我獨憐夢裏時驚池上草燈前難  
和郢中篇須知聖主思空谷誰滯山公啓事箋

登塔

相將携酒望高峽躡蹬凌虛此日遊烟火萬家分



佛土崗巒千里拱神州地蟠楚尾洪崖迥江帶吳  
微碧漢流龍闔當年開混沌番湖戰氣際天浮

黃貞父先生同飲杏花樓

湖上飛樓湖畔橋青山一片紫光遙高城落日通  
更鼓遠浦歸雲隔洞簫芳樹陰成沙徑舊杏花名  
在酒壚消傷心無限滄桑事宛宛蘇亭閱夜潮

其二

絳帳談經隔幾年今從湖上訪風煙問竒錯認楊  
雄戶共濟還同郭泰船水色遠搖樓影動濤聲亂

與梵鐘連江山勝事憑文濬肯教滕王閣獨傳

弔徐孺子墓

時與貞父先生  
共修享堂馬鬣

漢代衣冠半楚猴乞憐常侍自時流澄清孤負龍  
門志請劍艱辛較尉愁密議無聞頻下榻高風不  
就獨盟鷗王侯高塚悲禾黍萬世崇瞻拜古丘

過白石公館

白石江邊小戍樓海門彌望萬峰頭地通甌駱窺  
三島天接扶桑湧十洲古道垂楊時繫馬新犁短  
劍夜連牛登車無限驅馳意山自青青水自流



文正行書  
七言律  
六月六日支提風雨

暫駐星輶禮法王，千巖萬壑入寧陽。  
龍嘘海氣朝成雨，虎嘯天風晚作涼。  
下界耕耘開野甸，上方鐘鼓出山堂。  
只因華藏稱名岳，勅賜常傳御墨香。

巡福寧城登太平臺

層樓縹緲五雲端，山郭朝暉亦大觀。  
小草漫分廉察署，空言慙負拾遺官。  
戈船下瀨收春汛，鐵甲歸營帶曉寒。  
極目洪濤何處岸，群鷗無礙海天寬。

武夷仙掌

曾聞高掌漢時臺，幾見仙人駕鶴迴。  
萬片芙蓉雲岫歛，千枝菡萏雪巖開。  
青天削處求丹藥，紫氣迎來印綠苔。  
舒嘯已看閩海狹，好將清露酌瑤杯。

和王中丞斗溟先生巡汎漳州懷舊

節鎮東南此壯遊，樓船千里席前籌。  
潮吞日脚魚龍嘯，氣肅天邊鳥鼠愁。  
海溼偏知新雨露，河陽曾識舊風流。  
只今直北多烽火，都護還應屬虎頭。

其二

丹心曾叫五雲端，青瑣門前駐繡鞍。  
百里春風輿



誦舊十年瘴雨王恩寬窮鄉父老皆扶杖橫海將軍並築壇漫憶興衰經眼事桃花仔細縣中看

喜茅孝若遊閩見訪

書劍携將謁武夷浙江秋雨送潮時關山一度無  
蜚鴈海岸千林有荔枝俠氣滿腔憂國計雄才全  
部擅場詩慙慙爲問并州信却報春深紫筍遲

曹能始甚擊節浙江秋雨送潮時一語意在淡秀也

以上綠雪樓敲草

七言律二

登泰姥

宿王湖庵

爲訪桃花到碧山洞門流水浪潺潺閣黎寂寞昏  
鐘冷佛相荒涼古殿間頗有細蘿留夜色寧無大  
藥駐春顏今宵穩作遊仙咏天姥明登尺五間

其二

上摩雷峰

幾作名山汗漫遊靈仙偏秘此邊州炎方瘴淨摩  
天近漲海波澄浸地幽紅日照來秦觀旭白雲飛  
去楚峰秋薊門直北狼烟起回首兵戈不盡愁

其三

謁太姥墓

仙人委蛻石蘿寒，倩得紅雲伴瓦棺。  
落日荒岑孤鶴唳，迴風曲洞老龍蟠。  
名山不道無常主，瘴海偏能有大觀。  
請向中原悲往事，五陵松柏幾堪看。

其四

入巖洞庵

萬丈丹梯獨往迴，杜鵑啼雨雨花催。  
峯尖隱隱鴻蒙劃，洞古陰陰混沌開。  
潦倒年華勤拜石，縱橫意氣謾啣杯。  
分明鷄犬雲中現，我白秋槎泛月來。

鱗魚

四月梅風吹釣船，鱗魚入市濯鱗鮮。  
武陵溪裏開花後，楊子津頭進貢前。  
斜月掛竿通海曙，早潮收網隔山煙。  
官閑一路渾無事，慙愧魚翁索俸錢。

張園

張叔張園也

春園小築傍山高，翫世幽人已二毛。  
華瀨倒飛雲瀉練，石嵐橫帶海生濤。  
閒來坐上看書卷，興到牀頭撫佩刀。  
解脫不須僧說法，含光元自合天弢。

南峰老榕

福寧城南二里

石門斜夾小林丘，老樹高蟠上世留。  
雙幹拂崖棲白鶴，孤根插壁舞青蚪。  
千年苔色凌霜古，二月藤



花抱雨幽疑是曲  
轅看櫟社故將無  
用閱春秋

立夏

羽觴流罷領春風  
初夏陽舒淑景融  
官况草侵新圃綠  
鄉心花傍故園紅  
邊城戍靜高吹角  
海岸漁歸穩掛蓬  
清簟疎簾堪避暑  
蹉跎可惜寸陰功

偶占

拾遺書奏鳳池秋  
卧病淮陽我自求  
豈有姓名驚世眼  
漫將肝膽向人謀  
半生落落慙迂腐  
七尺昂昂任去留  
海上魚龍全寂寞  
橫吹片月似邊州

鴈字

晉安海中無鴈多應不過嶺也秋思殊愴之○鍾元常書如飛鴻戲海

塞上飛書點畫工  
晴霞旖旎錦箋紅  
銀沙歷歷吳江雨  
墨瀟霏霏楚岸風  
圓曲分明排小篆  
縱橫疑似舞長虹  
不因路斷衡陽樹  
幾起秋雲戲海中

其二

秋吹朔氣鴈門開  
陣陣雲烟自剪裁  
蒼帝製成蝌蚪幻  
天孫織就錦文迴  
洞庭落月緘湘綺  
彭蠡寒燒撥荻灰  
最喜上林書信早  
漢臣賦別李陵臺

八月十一日千秋節



蒼龍元位角星東  
華渚看流少海虹  
膳視銅樓惟古禮  
文開銀榜自春宮  
重暉日月天增麗  
典學詩書聖有功  
稽首攝提添萬壽  
千秋并頌愧雕蟲

閣邸報奉 令旨撤回天下稅使志喜

二十年前起榷場  
舟車愁苦過關梁  
祇因將作諸三殿  
豈與中璫潤五坊  
言利本非先帝急  
願恩應卜泰圖昌  
只今漢詔新騰布  
萬里春回黍谷陽

演八陣

八陣由來卽六花  
方圓未伍任橫斜  
天衡四六分龍虎  
地軸餘奇配鳥蛇  
黃帝遺經存井地  
武侯留跡在江沙  
七閩只慣餘艤陣  
驚問知兵李左車

偶成

甌閩盤互萬山迴  
一郡孤懸保障哉  
天入南溟三楚斷  
海通西域百蠻開  
越裳白雉無消息  
關尹青牛莫往來  
自媿風塵徒潦倒  
好教鷗鶴久疑猜

懷李懋明

世上虛名誤聽聞  
相看能不悵離羣  
江湖未老元龍氣  
京洛還傳仗馬文  
賦作秋風誰念我  
詩題春



草只思君天涯回首添愁恨嵩嶺書來滯碧雲

崱嶷建塔

片碣停雲壓碧濤春花拍浪泛仙棗基憑匠石兼  
山重筐戴文昌逼斗高不爲珠林藏寶鴈還從筆  
海釣金龜懸知元氣騰騰合象綿精靈射絲毫

送諸叅伯魯縣入賀時叅伯守延平

薇省旌旄謁帝行薊門秋色望中迎觴稱閩海歌  
東海劍出延平入北平冠冕共趨鳩鵲觀兵戈還  
擾鳳凰城城在遠東知君籌策憂時急肯學終軍浪請

纓

送詹見五臬副入賀

扶桑五載照高標此日輕車賀聖朝法署止收滄  
海氣明堂惟進白雲謠八蠻霜雨皆歸化九塞風  
霾尚逞驕宣室席前何以對遠臣爭敢厭蕭條

送沈將軍填登萊

瀚海憑陵萬里風戈船無恙試蛟宮黃金不結曹  
丘口白髮方圖卽墨功回首江湖看意氣誓心天  
地論英雄休嗟漢法多孤負誰取樓蘭入帳中

端陽時在福寧

無諸城北古東甌節序寒溫自海州五月榴花紅  
雪染千林荔樹綠烟浮風塵迥隔吳都色詞賦徒  
添楚客愁日日城頭鵝鸛陣何須范蠡競龍舟  
長興老僧如茂送鱗茶至閩中憐其勞苦漫

賦二律謝之

千里閩天漲海濱堪憐老衲逐風塵筠籠滿趣吳  
山曉茗笈遙經楚岫春珍重蔗漿難解渴鮮妍荔  
子厭沾唇何如紫筍家常味水遞平泉歲歲新

其二

破水田衣帶雨痕祇因簪履不忌恩團瓢乞食山  
村密箬笠敲門野寺昏可去支提朝大佛還從太  
姥問真原攜將玉茗慙慙至接筍峰頭共討論

大行皇后挽詩萬曆四十八年四月

貞靜徽音世所希恐看孤月與天違六宮陰禮清  
環珮萬曆陽光照袞衣內德常扶元氣合仙真應  
傍彩雲歸昭陵望斷迷風雨怪道勾陳暗紫微

其二軒轅大星女王主象東宮蒼龍之首龍尾為九子



軒轅星大照蒼龍析木津頭九子從天上淑媛來  
涓涿人間衆母祝華封登年已見成功偉祚國方  
知介福隆四海白衣悲失恃鷄鳴誰報未央鐘

張叅軍擢潯梧旣作嶺西行送之旋得題留

復此寄喜

如君雄略未應多屬目南征繫尉佗祇爲鱷神吹  
夜浪故留龍氣射秋河樓船此日名橫海簡冊他  
年傳伏波不是將軍宜急使能教重疊詔鑾坡

丁祭

尼山此日降靈神魯國諸儒翊聖真百代宮墻崇  
正學千年禮樂肅明禋已看教澤今通越漫嘆詩  
昔厄秦七十二壇俱寂寞六經天地獨常新

中秋

海國樓臺對碧峰團欒明月此宵逢波澄萬里涇  
霜兔陣列千營放火龍桂樹枝枝清露影蘆花漠  
漠澹烟容還疑劍躍延平渡斗掛秋河紫氣衝

十七日萬壽節

時閩中尚未見  
新報照舊祝釐

十年京國近龍樓青瑣斑高御苑秋宮樹影隨仙



仗入闌花香散綵雲收玉階祝聖朋三壽金馬稱  
觴戲十洲萬里波臣猶戀闕願將滄海頌添籌

其二

金天誕聖采虹標萬國衣冠拜紫霄東海屢傳青  
鳥信西池惟進白雲謠千蹄舞馬啣杯酒五位飛  
龍握斗杓願得塞門烽堠罷七旬干羽格三苗

大行皇帝挽詩

萬曆四十八年七月二十一日宮  
車晏駕闕中以祝釐之次日開詩

真人御世應河清五十年間號太平秋露方看金  
掌色曉風驚送玉樓聲仙輿上食紅雲護素幔移  
宮紫氣迎怪道昴星芒屢動泰山增土又增名

天妃廟

紺柱金柯廟貌新莊嚴帝妹迥清真黃河半作湔  
裙水滄海全清度襪塵不似宓妃沉洛浦長如織  
女對天津龍王宮裡珠堪弄光照闔浮幾萬春

感事

海天官冷卽江湖廓落賓朋意氣孤酒伴蟬螿惟  
白墮詩慙鮫淚是明珠霜前菊蕊還含吐月下蘆  
花幻有無自笑一身萍梗賤朝家多事欲悲呼



恭挽

大行恭皇帝

臨御一月起廢撤惟發帑賞邊補大寮下言路勵精圖治天下想望

太平忽報登遐海內如痛考妣

蒼震潛光二十年于今剛御大明天祖宗制度頗  
宣詔耆舊衣冠盡入筵忽道旄頭經太紫莫攀龍  
馭上重玄恣看莫莢堦前葉開落新陵風雨邊

喜

皇帝登極

萬曆朝孝定太后六袞誕育于震宮是時靈臺奏日下慶雲見官府繫心久矣

英名在昔長孫聞帝命真人自不群東旭霏微排

案篆北辰中正麗星文生來王母三鳥日瑞奏臺  
官五色雲天意久知開少主諸公何以報先君

黃華樓送張侗如侍御北上

時庚申之仲冬也

城裏青山山上樓名都百雉枕洪流灘頭落日魚  
龍吼木末鳴颺鶴鵝愁繡斧明春朝北關清尊今  
夜對西甌知君不負懸鞞意宣室慙勤請借籌

陳季迪見招芝山僧舍是日風雨

溪潮帶雨浪花湍斷岸西風落木寒塔影馮陵青  
漢迥鐘聲遠近白雲殘兵戈異代開滄海尊酒今



朝對碧灘遙憶江南春色早驛梅先向馬頭看時余

以暈移  
趨裝

### 聞朔方之命

咸陽自古號西京肩背先零百二城太華三峰天  
外出黃河萬里地中行鞭箠本是秦皇策表餌猶  
煩漢將兵莫笑書生投筆易擬將勅敵繫長纓  
喜黃二為水部由黔中起郎司馬

銅柱南邊毒草香巴陵西盡楚天長黃茅瘴裏喧  
蠻語烏撒城頭冷戰場馬仗輒鳴宜按劍鳩工何

罪亦投荒只今漢帝新頒寵為報金鷄詔夜郎

### 其二

詞賦憑陵意氣豪由來遷客總名高蠻方隨牒三  
千里故國相知半二毛但道長沙疎太傅幾曾湘  
水沒離騷諸公衮衮登台席暫借鄉材在馬曹

壽彭醫

彭生為小兒醫年九十而望切精當  
神明不衰市人之祖與孫皆其摩頂

哺藥  
者也

小隱生涯肘後方藥囊提遍學醫王杏花滿種江  
村景菊水長流野谷香懷抱兒童皆老大經過門



第半炎涼彭鏗莫是君前世百歲看看鬢始霜  
李生以女醫名江城來求余詩率爾漫賦

却笑秦皇燼古文方書猶剩舊三墳竒經脉絡陰  
陽合素問神明男女分可去邯鄲醫下帶還從淄  
水視瀟裙請看仙兔春靈藥時傍姮娥月裏雲

聞尚璽之命

黃門曾拜紫薇郎視草晴窓御墨香幾倖批龍如  
止輦不圖仗馬似投荒風波久擬淪炎海疎賤何  
緣調朔方皇網彌天無棄物自憐清禁得徊翔

送仲舒兄南雍應試

菟苑登壇衆所宗烏裘十上未云逢秣陵王氣今  
豐鎬太學諸生古辟雍天象光添龍劍躍江花紅  
送馬蹄穠漢廷對策君毋讓請看平津特地封

送李斗冲整飭川東

朝聞車馬動鄉關益部星臨漢楚間三峽雲山高  
白帝五谿聲教達烏蠻時艱莫嘆官方遠地重偏  
看憲府間爲擬風流何所似巴江秋水碧潺潺

送涂鏡源大司馬還朝



曾向居延逐何扞新盟白馬歎呼韓中山發篋寧  
投杼外國知名自考槃為有丹心懸魏闕能將黃  
髮老江干邊雲積月天王地好望凌煙仔細看

其二

胸羅武庫甲兵多塞上風霜幾歷過十載邊塵驅  
獵騎六年歸夢落魚叢耆英再起謝安石宿將重  
思馬伏波河北中朝皆屬望持衡廟策定如何

塔寺

辛卯讀書寺中至辛酉  
三十年止一老僧在耳

城南傑構法王宮寶塔標長插太空爐氣霏霏干

地影鐘聲隱隱四天風旃檀曉閣經馱馬鸚鵡暗  
林樹拂虹三十年來僧盡老禪房何處見旻公

鐵柱觀

真官靈爽護明朝法宇巍峩切絳霄毛節朱旛莊  
紺宇金書玉簡重霞標雲中鷄犬皆成果水底蛟  
龍已斷妖沙井洞洞撐天柱長江萬里靜春潮

迭饒聶明觀察之廣東

節使乘輶部嶺南秋天山嶽散江潭龍吹海氣朝  
迎馬鷄度關雲曉駐驂楊粵舊開秦郡縣尉陀今



襲漢冠簪長安指日還牙纛莫向梅花問驛檄  
送饒暎垣南少司馬之官

當年江左是長安司馬威儀重漢官千里河山天  
草昧六朝烟月樹檀欒秋風鷗鷺前旌起曉日貌  
貅指掌看寄語遐方休匪非如今南北盡登壇

秋試湖燈

江城棘院臨湖秋宵  
燈火達曙最為奇觀

文昌戴斗絲雲籠湖上張燈湖水紅萬樹珊瑚開  
海市千群珠母徙龍宮筆花璀璨光搖月劍氣憑  
陵紫射空况復高天流玉露誰人不在桂叢中

其二

奎躔今夕照衡廬才子臨場意氣舒燈火萬人麈  
棘動星河一道水煙虛青藜夜色吹天祿銀燭秋  
光朗石渠莫訝龍文干氣象應知太史奏賢書

上藍寺

祝釐之地係  
南平王捨宅

西方何處給孤園中土流傳大法門鹿苑金繩裝  
白馬龍宮玉柱鎮青鴛祭禪一日經空地祝聖千  
年拱至尊回首王孫歌舞夜只今鐘鼓動黃昏

贈汪石蓮按臺



節使橫簪獬豸冠雲霓千里萬人看車乘驄馬威  
風遠矢射豺狼氣色寒曉日封章騰闕下秋天山  
嶽動江干只今四海征求急毋劾陽城撫字寬

送李孟開備兵易州

憲府如君迥出塵勾吳按部氣嶙峋携將短劍棲  
田里為有長碑鐫黨人四面已聞殷帝網三遷仍  
是漢藩臣功名喜在金臺畔珍重蒼生繫望身

陳和尚還俗以眼醫名

曾向禪關一閉扃諸天燈火碧熒熒皈依法海元

無住退轉醫王却有靈行徑已辭初祖印生涯猶  
傍藥師經光明雲現真珠影朶朶連華照眼青

送儀部楊遠初蜀中典試還朝

時蜀路不靖儀部以春正

始從江城發也

關城何處不開梅乍聽驪歌送酒杯萬里風塵隨  
馬去千門雪色度鴻來春江半落巴山水秋駕全  
徵蜀道才謾歎軍書飛驛路四方干羽在容臺

朱如容諫議以諫召宮媼被謫賦此寄懷

憐君獨抗拾遺書暫向煙蘿夢謫居愛國任談溫



室樹辭榮寧羨紫鯁魚湖南霽雪開春野北關晴  
雲遶直廬莫歎殿頭今萬里賜環原自有鋒車

送丘毛伯侍御按河南

時上書謝病居里中毛伯頗為勸駕

風裁嶽嶽立臺端驄馬先驅載路看南國詞人爭  
避席中原循吏正彈冠紅亭別酒寧為禮白雪同  
聲強自歡猛欲從君無那病已將書疏報長安

其一 毛伯多髯

若個翩翩髯絕倫彈文出袖又時巡臺郎執簡霜  
前曉御史隨車雨後春伊岸孤村臨繡斧梁園修

竹夾朱輪四方今日稱多難好把官評仔細論

送王永叔中丞之台州

碧波春水浙江船捲雨飛雲擁別筵禁裏封章曾  
夾日閩中仗鉞遂歸田湖通鴈蕩家鄉近山到天  
台海市連林下如君殊未老石牀寧許足長眠

其二

兩地為家卜世安天兼湖海路漫漫西陵驛下潮  
光湧南浦江邊寶氣寒節鎮外臺曾共事拾遺中  
秘亦同官相看萬里皆烽火明月應難卧釣竿



送羅貞復侍御按滇

昆明池水達牂牁萬里長征匹馬過關塞有煙通  
漢節嶺雲無瘴聽蠻歌金潏氣煖春常度銅柱氛  
消海不波莫謂地隣豺虎亂南方功業古來多

其二

楊柳春前此送君兵戈聲息不堪聞聽猿切切巴  
陵月托鴈遥遥楚國雲鎮遠祇傳唐節度征南誰  
是漢將軍懸知繡斧經臨日便報黔巫散馬羣

愛妾換馬

本古樂府而張祐之詩則純律也聊拈筆爲此

妾名桃葉馬桃花綺陌如雲逐狹邪爲愛驕嘶朱  
汗落忍拋拂舞翠睂斜芙蓉夜冷憐巫峽苜蓿春  
深羨渥洼遊俠相逢都得意追風行雨各回家

酬曹象先文學

匡雲蠡月九江城秀挺竒人宿有聲學擅風騷頗  
嘯詠技精星氣每縱橫逢場買笑千金易知己啣  
息一劍輕獨怪淺才多薦達君名猶在魯諸生

滕王閣

一片高城楚水西飛樓百尺與雲齊曉煙江上乾



坤色春樹人家桃李蹊  
柱鎖蛟宮收混沌劍含龍  
渚動虹霓登臨無限澄  
清意古渡平沙驛馬嘶

鴈字和鄭少宗伯

奎文天上曜清高散作昆蟲劃彩毫  
筆陣騫騰迷夢渚墨花凌亂落江臯  
秦灰不剪雲邊字漢使偏傳雪上操  
請看漆書俱泯滅秋霄萬古一鴻毛

送文文起翰撰言事謫歸

臚傳春燧御書題瀛席維容玉笋齊  
只爲主恩留諫草肯將官况逐沙堤  
雲寒魯道朝驅馬雪擁吳

江曉聽鷄慙愧含香清要侶銜車早晚莫教遲

壽朱太淑人八十淑人爲朱太常上愚母以

九月重陽設悅

荆門南望楚雲長夢渚秋高橘柚香  
紫誥班衣供上壽黃花白髮對重陽  
瑤池宴會來王母金殿威儀屬太常  
最是武陵春樹老蟠桃如結海中央

禮部進登科錄

上林鶯囀杏花紅春部題封達御聰  
才子標名依日月真人訪道下崆峒  
爐香細細宮袍影闌苑僊



七言律  
僊錦繡叢共看光騰東壁府懸知師濟亮天工

秦淮過齊王孫邸

江邊春水碧波生楊柳河橋傍石城喜過王門青  
社氣憐看才子白雲情淮南鷄犬傳仙訣鄴下詩  
書副盛名我自疎狂常避客偏君大雅倍逢迎

彤雲觀

爲愛青山不厭登長松交蔭石峻嶒江來三楚稱  
縹帶都到丹陽號股肱檻外湖光春漲合城頭山  
勢紫氛層堪嗟六帝皆餘閔王氣應歸聖代興

以上綠雪樓鶴草

七言律 三

六月暑中

高齋長嘯任猶夷河朔諸公痛飲時赤日度躔朱  
鳥味玄冰寒浸白龍皮登場禾黍迎秋早捲幔星  
辰候夜遲願得山川時雨降常留春色在江蘼

其二

是日聞戌  
楚之信

東臯林麓野人情竹島凝寒暑氣清雲暗天河朝  
雨細月明江渚夜潮平燕臺駿馬啣恩重楚徼文



蛇入俗輕自笑自悲還自艾就裝書劍赴軍城  
長興金蓮塔院僧送斝茶至

單父曾鳴堂上琴縣門流水畫溪深漁船泊岸朱  
藤老鴈塔凌空紫氣沉歸到薜蘿渾曉夢別來桃  
李盡春陰關黎不比將軍客頻採新茶扣竹林

其二

憶昔褰帷摘貢茶青松碧石伴樵家春前色妬溪  
頭水雨後香侵縣裏花湖海無端浮宦跡滄洲自  
笑作生涯禪心惟爾無依着行遍雲山古道賒

壽林屋宗侯五十

無外  
尊公

中秋秋色最澄鮮正值王孫敞壽筵桂樹叢開淮  
浦上白雲謠進酒杯前岡陵共祝長春日林屋元  
稱大洞天借問兒孫能玉立即看年少特翩翩  
饒我先朱無外見訪

江風吹老豫章秋獨坐真成一自由忽漫應門傳  
客至看來問字是英游鄉中甲族稱苗裔天上宗  
星照小侯避俗不能躬報謁知君居在水西頭  
柚樹結實如斗



郊原物候正秋時紅葉黃花次第知亦有不凋停  
露榦偏能結實拂雲枝封侯自擬江南橘供客人  
稱大谷梨莫羨櫻桃頒賜盛芙蓉闕下共題詩  
岳醫七十求詩醫舊曹史也

獵得奇經溷市塵葫蘆常裹上池春尋思書記文  
無害却令醫王藥有神丹竈九層分火候黃庭三  
疊返童真共教鄉國人名越不羨花源世避秦

行役

淡雲疎雨入秋餘碧水蒼山作客初彭澤籬東誰  
送酒武昌江上但歌魚關城疊鼓催征騎驛路寒  
花伴役車此去莫懸兒女念衡陽飛鴈易啣書

其二

駢闐官路曙鐘鳴短劍青鞵過楚城洲樹赭猶秦  
帝色武溪流作漢軍聲微霜度夜河橋冷落月巖  
更野店清佇望金鷄書五色翩翩匹馬趨歸程

衡山

南條千里峙山王赤帝端居福下方水到洞庭連  
楚粵風搖銅柱控江黃翠微夜鎖仙人戶丹葉秋



飄羽客堂謾把靈峰量丈尺  
鴈飛高不過衡陽  
登南嶽祝融峰宿觀音巖僧樓

扁舟乘興汎清湘客路初寒楚岸長  
拂劍平明瞻嶽帝  
摳衣薄暮禮空王  
孤猿自嘯前山月  
旅鴈回飛別浦霜  
此地星辰堪手捫  
應知南斗避文昌

湘江晚霽

江涵寒影水悠悠  
夾路蒼山向北流  
遠樹依微漁火外  
亂峰深黝夕陽頭  
凌波獨泛沙棠舫  
擊汰還牽杜若洲  
况有白雲明月在  
湘娥應不負清遊

晚泊

雲盡湘潭日暮天  
楚鄉三戶舊時煙  
監門雜遝關魚鑰  
驛吏喧闐賦馬錢  
雙杵擣衣驚客夢  
踈燈點水照愁眠  
長沙前去無多路  
故國名因賈傅傳  
過長沙顏雲漢年  
兄席上

輕帆柔櫓下長沙  
行子依依嘆路賒  
忽遇故人旌節在  
還將舊日禮文加  
鷄壇久要君能踐  
鳥道前驅我自嗟  
鼓角急催桑落酒  
十年心事對天涯

桃源洞



一竿煙月是浮家倚棹長歌楚水涯  
洞爲漁郎開世界雲將仙犬吠  
桑麻玄都觀裏紅飛雨白馬津  
邊翠拂霞我到已逢秋令過却看  
桑樹闌桃花

其二

人間共說此丹丘瀑布飛揚古洞幽  
松磴層層隨浪出桃林鬱鬱傍煙浮  
只因陶令傳奇事便與秦人結勝遊  
駐馬欲探仙路邈白雲長在水空流

馬援廟

棘道西頭毒草叢將軍雄略鑿山通  
封侯早識圖鱗氣廟食方酬裹革忠  
銅馬威靈新斥塞金牛地界舊同風  
陰功况篤椒房重千古崇瞻矍鑠翁

其二

巒落連山幾萬峰南邊瘴厲險重重  
天王左鉞能經略大將前旌特正封  
登豆香升猶蕙苾辰沅溪暗自筠松  
飛鳶墮後誰人到七縱功名仰卧龍

軍城見雪

昨夜月昏雲氣黃北風吹雨凍南鄉  
開窻遙想青山色掃屋應題白雪堂  
案上兔園文賦舊城邊巒



店酒杯香蒼天此日憐關塞故遣瓊花壓劍霜

飲平溪酒一笑

粵北荆西道路難黔中况復被兵殘軍城喜得堪  
沽酒客舍愁來便買歡吳下烏程風味邈湘東醺  
醺水雲寒蠻傭滌器穿皮服當作臨邛犢鼻看

軍城夜坐

鴈過雲南多從洞庭飛度平溪而平溪無宿鴈以少沙水濡地也

煙開瘴淨轉星河鴈去滇池嘹唳過橫笛近吹關  
塞曲短簫遙伴戍樓歌攤書論古情無限酌酒寬  
愁緒更多明月飛來回首望鄉園今夜意如何

軍城早起

霜滋打霧淞貧兒備飯甕古諺也

鷄鳴曉漏動晴鐘霜入寒原打霧淞烽堠漸扶青  
旭起關樓平望碧雲重蠻家賣米趨朝市村店炊  
糲急蚤春客子祇餘山水興相將臨眺自從容

南寺

同鄭生維龍鐵生可光洪生國鼎往遊僧寮皆作教授室山峯白雲舒卷而已

何處花宮隱梵王城邊夾巷薜蘿墻精藍半作傳  
經席古殿空稱選佛場香積有煙迷澗水閣黎無  
意問津梁青山色相如禪定却笑浮雲持地茫

戴筐居

鄭子書屋署北嚮之屏用唐詩北斗掛城邊余因題其堂云爾



天上星垣似戴筐城邊北斗掛文昌開窗雨色深  
平楚入戶雲光動大荒客子喜看山勢合師儒慵  
聽水聲多康成庭下生書帶莫負春風七里香

閔曾泉公祖以雲南開府總憲番臺過平溪

見訪

甘棠蔽芾十年餘屢見新除改佩魚萬里宣威經  
略久三朝著望掌臺初高牙大纛過蠻塞小隊元  
戎訪謫居楚色蒼茫無限意殷勤欲別又躊躇

軍城午節

五溪西上瘴煙青悵望南雲渺洞庭處處水龍爭  
野渡家家艾虎插窗櫺江迴楚塞楓林亂雨暗蠻  
山毒草腥最是村酤堪辟暑看花邀醉采蓮涇

五日鄉紳孝廉于江樓邀看龍舟時新制置

張公將過平溪入黔也

滇黔驛路掛城頭五月江聲挾雨流時節天涯逢  
競渡賓朋尊酒共登樓卸中白雪誰高調楚國雄  
風此上游寄語羣蠻休跋扈已聞都護到沅州

援黔胡副將從儀廉幹有威風敬而贈之



戎幕曾從上路開，新經貴竹又登臺。  
天清聽鶴傳風去，夜靜聞鷄起舞迴。  
塞北悲歌長揖客，隴西飛將出群才。  
如今債帥都腰折，君自清廉獨往來。

其二

瘴擁蠻徼夏亦寒，夜郎天外路途難。  
單醪味水春風度，匹馬衝泥月色殘。  
玉帳橫吹羌笛管，銅鑼高築漢家壇。  
肯教篋篋慙名將，一片冰心向日川。

新築草堂

東海投竿學釣魚，于今漂泊楚江居。  
龍門有意推司隸，狗監無因賦子虛。  
水濶三湘堪弔古，山鄰二酉好藏書。  
西南統屬天王地，日下青雲護草廬。

其二

茅屋新成近水樓，楚雲黔樹望中收。  
迥吳梅福風塵遠去，趙虞卿著作優。  
授簡煙霞飛彩色，彈琴山水散窮愁。  
乾坤雙眼看如此，何必高車是壯遊。

其二

客舍蕭條嘯欲歌，天涯生計竟如何。  
傾葵北極心常赤，采蕨南山鬢未皤。  
戍隱無須披薜荔，僑居且



喜定風波一枝自笑鷓鴣小千仞誰瞻鳳鳥過

其四

背郭堂開對景竒青螺九點坐來移客星璀璨臨  
書卷郢雪霏微伴酒卮戰馬秋馳羅甸遠飛鴻春  
向洞庭遲千秋事業還誰許莫把關山笛裏吹

熊廣文起涓新任其先南昌人

賜社丹陽楚世家江湖行藟遍開花青氈無恙君  
能拭白壁難爲我自瑕天地百年星偶聚文章千  
古口重華相看泮水盈盈綠盡映紅桃對絳紗

送汪生起圖應試

平溪本楚衛  
貢士由黔書

晉國從來用楚才黔關應復比金臺青箱舊業知  
能繼綵筆新詞喜獨裁名馬象龍紛道路棘籬羅  
鬼窟蒿萊廣寒宮闕秋天近桂樹叢花無數開

秋夜桂香

地到南方桂是樵天時况復對秋宵二山招隱空  
淮水百粵成林度嶺嶠玉露乍零仙蕊細金風初  
送國香飄虛疑清影歸明月欲酌瑶漿揭斗杓  
喜劉生芳久發解乃叔尚德亦戊子舉首



漢苑秋吹槐市風，鄉書貢士萬方同。  
連城一白荆山出，相馬應教冀野空。  
已向龍門先得意，還從虎觀再圖功。  
君家舊物今無失，寶劍雌雄紫氣中。

送於生文光之洞庭湖

却羨江湖是客星，洞庭東去喜揚舲。  
但憑忠信波濤定，莫慮關山雨雪零。  
黃菊籬邊分楚色，青楓浦上弔湘靈。  
歸期屈指河橋路，醉看壚頭酒幔青。

雨中偶成

積雨重陰黯不間，夜卽天外思悠悠。  
戔新飛赤鴈，蘇卿節舊謫青蓮。  
李白才應有文章，干氣象豈無貞信。  
動風雷從今不作登樓賦，爲耻聲名鄴下來。

同門楊霞標憲副由雲南入賀過訪

十年群盜亂如毛，上路新門嘆驛騷。  
忽漫星辰占使節，猶能風雨問綈袍。  
談心不啻師門雅，叱馭前呼聖壽高。  
莫爲極天關塞遠，武陵溪口綻仙桃。

陳廣文良祐分較黔闡丙午江西舉首也

華閩多君古太丘，軍鋒蚤歲冠時流。  
經傳戴禮聲名迥，籍起儒官藻鑑優。  
鴻鴈高鳴如遠客，風霜迢



通正深秋于今擬奏龍門賦肯教宿如竟倦遊

洱海道蔡方伯公祖入賀見訪

棠墅當年憇召公何期客路喜趣風臨關紫氣氤  
盃裏出岫浮雲感慨中徼外征蠻猶介馬日邊遵  
陸漸飛鴻懸知前席詢方岳爲報艱危四海同

漫興

木落峯晴紫翠攢紛紛鴻鴈過江寒名場久懾寧  
魚服逸史新盟且鷓冠世事等閒天意定秋花作  
伴客愁寬窮途莫怨逢迎少涓水應誰訪釣竿

李守備廉而習戰鬱鬱不得意賦慰

李守備戰  
遼蜀

十年鳴劍走沙場美爾材官號蹶張造水東流邊  
月黑蜀門西上塞雲黃知名始列良家子筮仕初  
除執戟郎前路莫愁無賞識如今開府杜當陽  
蕭無競年友官黔司遺書見存

鄉闈同薦豫章秋雙劍含光射斗牛先後垂鞭游  
漢苑比連宰邑控江流愁分落葉君仍遠笑作飄  
蓬我自尤此日相聞思舊日乾坤渺渺一浮舟

諸曾懸年兄以雲南方伯入計見訪

曾懸分  
守延平



余正分巡福寧  
一別八年矣

延津風雨二龍隨萬里今朝慰別離愧我萍飄來  
楚塞多君棠蔭滿滇池周官六計澄清日漢法三  
章解網時滿眼兵戈憂不細天開英主待撐持  
皇帝登極收元崇禎志喜

乾位初飛九五龍光華旦旦慶雲重漢家倫序思  
文帝昭代親賢仰世宗杓斗轉迴元氣軸河魁獨  
柄太阿鋒微臣萬里瞻天極金闕依希聽曉鐘

拜赦

天上新頒紫鳳書夜郎羈戍沐前除風霜久歷寒  
陰後雨露均沾泰道初四面張羅逢教祝三錢封  
府慰來蘇荒煙客夢聞鷄唱便別蘧廬向舊廬

袁州道中

携將書劍就歸裝雨雪同雲接楚鄉聖世無須  
因馬角蠻方何必盡羊腸水春霜日瀟溪上樹落  
楓丹挿嶺香况是歸公遷謫地袁州千古大文章  
臨江渡樟樹望豐城與夫識我十年前冊封

過此



兩岸金隄捍貢河農庄邊畔聽漁歌  
郊居花竹春相待楚水風煙夢轉多  
雙劍斗牛占紫氣萬家城邑夾  
洪波與廡識而還驚道舊是相如  
建節過

崇禎元年人口

青韶肇歲日稱人萬里歸來一葉身  
問雪梅花迎喜氣乘風歌烏弁芳辰  
香奩百福初裁勝淥酒千鍾競醉春  
遙向莫堦開寶曆共歡明王建元新

特恩復官詔以鍾給諫上書也時正春中

近蒙寬法宥流人更被天邊五鳳綸  
錫命有加賜

父母衣冠無恙見鄉隣  
晴雲拂曙懷青瑣  
旭日當陽戴紫宸  
聞道逐臣多佩印  
由來元氣正乘春

以上青玉堂采薇草

寄朱如容

仗鉞閩中節制專  
投閒何意主恩偏  
樓船下瀨開滄海  
瑣闥封書徹御筵  
世事幾將天地閉  
清流應得古今憐  
欣逢聖世除姦諛  
敢諫方知獨汝賢

謝長興僧送茶

芥茶名于近年余令長興時  
僧廟後數隴鋪綠洞山則余

從史丁壘丞墾種者於是山間轉相風效  
薤草砌石往往如是遂盈畹皆芊芊雀舌



矣品貴價重非陽羨顧渚所敢望去彼二  
十餘年父老子弟年年藉僧笈馳至無問  
涼燠卽在瘴鄉不乏紫筍黃雨固僧之勤  
乎亦父老子弟之篤也僧名淨緣余視師  
江上老僧如茂以送茶領至如茂遂寂則  
淨緣歲習至爲常父老槩多淪謝惟子弟  
存則固缺焉余今備閱四素之位不可爲  
不又視當時單車問俗勸課桑茶能無今  
昔之感耶因淨緣歸  
漫賦二律以謝之

自笑歸來萬里身曾扶渴病漱花津時逢五月過  
初夏書報三吳寄早春僧衲遠遊霑綠雨茶經久  
閣積紅塵清風一起松濤勢滿峽雲開氣色新

其二

茶園開逕箬溪濱萬綠春深草色勻二十年前栽  
檀久三千里外寄來頻堪悲故老成遺事却喜英  
遊接舊因長路關山僧慣習玉磁香噴水潏潏

拜佐樞之命北發

萬里金鷄貫逐臣重逢啓事沛絲綸膏分太液調  
商鼎色起嶼巖笑漢薪司馬門環天上闕寒鴉影  
帶日邊春君恩到此深無極敢向清時托隱淪

召對

風搖玉珮共趨朝高敞承明切絳霄面對玉顏

疑就日親承 金語似聞韶宮花影躡千門靜蠟  
燭光傳乙夜迢不是威嚴先喜起直將兢業學唐  
堯

送人使琉球

彤庭分遣節旄新萬里長風送使臣詔捧金函搖  
海嶽槎浮銀漢犯星辰携將雨露天邊灑記取詩  
書域外陳切莫臨岐嗟路遠請看正朔共王春

以上采菽草



